



შენიკიმი




ACCREDITATION
SANS FRONTIÈRES

france-asf.fr



შენიკიმი კლინიკური ონკოლოგია

საინფორმაციო ბუკლეტი



კლინიკური ონკოლოგია არის ექიმი-ონკოლოგი, რომელიც განსაზღვრავს ონკოპაციენტისათვის საჭირო გამოკვლევებს, დაადგენს სწორ დიაგნოზს კლინიკური სტადიით, მართავს მკურნალობის პროცესს და მკურნალობის შემდგომ მუდმივად მეთვალყურეობს პაციენტს.

კლინიკური ონკოლოგიის ფუნქციაა, აგრეთვე, წამლისმიერი მკურნალობის ჩატარება და მართვა ქიმიო, ჰორმონო, იმუნო და ტარგეტული თერაპიის პრეპარატებით. კლინიკური ონკოლოგია ის პირველი ექიმი-ონკოლოგია, რომელთანაც ვიზიტს საჭიროებს პაციენტი ეჭვით ონკოლოგიურ პროცესზე ან უკვე დადგენილი ონკოლოგიური დაავადების დიაგნოზით.

მნიშვნელოვანი შენიშვნა: ამ მასალაში მოცემული ინფორმაცია არის საგანმანათლებლო მიზნებისთვის და არ ცვლის პროფესიულ სამედიცინო რჩევას.

აკრედიტაცია კანადა. საქართველოს პაციენტთა საბჭოს ინიციატივა (PHIG/ASF პროექტი), თბილისი; 2024. 4 p. (PHIG/ASF-137)



+995 598 43 50 34

Info@accreditation.ge

www.shenikimi.ge

კლინიკური ონკოლოგი კრებს პაციენტის მონაცემებს, კონსილიუმზე მოიწვევს ყველა საჭირო პროფილის ექიმს, რათა მიღებულ იქნას დამატებითი გამოკვლევების აუცილებლობის და/ან მკურნალობის შესახებ ერთობლივი გადაწყვეტილება დაავადების არსებულ ეტაპზე.

გახსოვდეთ, ამ გუნდის ყველაზე მნიშვნელოვანი წევრი თქვენ თავად ხართ! თქვენი თანამშრომლობა და მზაობა, აქტიურად იყოთ ჩართული, მისდით ექიმების რჩევებსა და რეკომენდაციებს, სრულად და დროულად მიაწოდოთ მათ ინფორმაცია თქვენი ჯანმრთელობის შესახებ, გადამწყვეტ როლს შეასრულებს თქვენი მკურნალობის პროცესში.

ყოველი შეხვედრა თქვენს კლინიკურ ონკოლოგთან ძალიან მნიშვნელოვანია. ამ შეხვედრებისას ორივე მხარემ, როგორც თქვენ, ასევე თქვენმა კლინიკურმა ონკოლოგმა, ამომწურავი ინფორმაცია უნდა მიიღოთ თქვენი ჯანმრთელობის მდგომარეობის შესახებ.

თქვენი საუკეთესო თანამშრომლობისათვის, გირჩევთ, გაითვალისწინოთ შემდეგი რეკომენდაციები:

განსაზღვრეთ , რამდენად ბევრი გინდათ იცოდეთ თქვენი დიაგნოზის შესახებ

ზოგ ადამიანს სურს, იცოდეს მაქსიმალურად ბევრი თავისი ონკოლოგიური დაავადების შესახებ, ზოგს კი მხოლოდ ზედაპირული ინფორმაციის მიღება ურჩევნია. არჩევანი, რა თქმა უნდა, თქვენზეა. თქვენი არჩევანის შესახებ კლინიკურ ონკოლოგს უნდა აცნობოთ და ის შეეცდება, მოგანოდოთ იმდენი ინფორმაცია და იმ ფორმით, როგორც ეს თქვენთვის იქნება კომფორტული და მისაღები.

დასვით შეკითხვები შემოთავაზებული მკურნალობის შესახებ

მკურნალობის დაწყებამდე თქვენი კლინიკური ონკოლოგი გაგაცნობთ მკურნალობის სტრატეგიას და მოგანოდებთ დეტალურ ინფორმაციას მისი ეტაპებისა და ხანგრძლივობის შესახებ. თუმცა, თუ თქვენთვის რაიმე გაუგებარი დარჩა, აუცილებლად დასვით შეკითხვები. ძალიან მნიშვნელოვანია, რომ თქვენ სრულად გესმოდეთ, რა სახის მკურნალობა შეირჩა და რატომაა ის საუკეთესო თქვენთვის. ამიტომ დასვით შეკითხვები მკურნალობის ალტერნატიული გზების შესახებ,



ასევე, გვერდითი მოვლენების შესახებ, რათა დარწმუნდეთ, რომ შემოთავაზებული მკურნალობა საუკეთესოა თქვენთვის და იცოდეთ, რას უნდა ელოდოთ მის ყოველ ეტაპზე.

დასვით შეკითხვები თქვენი ცხოვრების წესის შეცვლის შესახებ

ონკოლოგიური დაავადების მკურნალობის პროცესში შესაძლოა მოგიწიოთ ცხოვრების წესის შეცვლა. აუცილებლად გაესაუბრეთ თქვენს კლინიკურ ონკოლოგს და მოისმინეთ მისი რეკომენდაციები ისეთ საკითხებზე, როგორიცაა: შეძლებთ თუ არა მუშაობის გაგრძელებას, მოგიწევთ თუ არა კვების რეჟიმის შეცვლა, შეგიძლიათ თუ არა განაგრძოთ ვარჯიში ან სხვა აქტივობები და ა.შ.